

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 239170 23 St
Zenica, 21.11.2024. godine

Općinski sud u Zenici, sutkinja Marina Šapina, u stečajnom postupku nad društvom Društvo za proizvodnju, promet i usluge „APS“ d.o.o. Zavidovići, Stavci bb, Zavidovići, odlučujući o prijedlogu privremenog stečajnog upravnika Amerise Saletović iz Zavidovića, na ročištu održanom dana 21.11.2024. godine, u prisustvu privremenog stečajnog upravitelja i Emine Hutinović (ranije Mukić), zastupnice po osnovu zakona predlagatelja, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijeđenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom Društvo za proizvodnju, promet i usluge „APS“ d.o.o. Zavidovići, Stavci bb, Zavidovići, MBS: 43-01-0058-08.

O b r a z l o ž e n j e

Predlagatelj Društvo za proizvodnju, promet i usluge „APS“ d.o.o. Zavidovići, Stavci bb, Zavidovići, Zavidovići, zastupan po Odvjetničkom društvu HRNJIĆ I PARTNERI d.o.o. iz Žepča, je ovom sudu dana 14.12.2023. godine, podnio prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Rješenjem ovoga suda br. 43 0 St 239170 23 St od 10.05.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika „Društvo za proizvodnju, promet i usluge „APS“ d.o.o. Zavidovići, Stavci bb, Zavidovići, MBS: 43-01-0058-08 i za privremenog stečajnog upravnika imenovana je Amerisa Saletović iz Zavidovića, 8. marta b.b.

Na ročištu za ispitivanje uvjeta za otvaranje stečaja održanom dana 21.11.2024. godine, privremeni stečajni upravitelj je izjavio da ostaje kod svog izvještaja od 22.08.2024.god. Navodi da stečajni dužnik nema poslovnih aktivnosti, stečajni dužnik nema nepoketnu imovinu, a sjedište društva se nalazi na adresi Stavci bb, koje je prijavljeno na adresu računovodstvenog servisa jer društvo nema svoje prostorije i ne posluje. Stečajni dužnik ne obavlja poslove za koje je registrovan više od pet godina, po navodima direktora društva Emina Hutinović, koja ističe da je ona samo direktor na „papiru“ a da je društvom upravljao njezin bivši suprug i da ona o ranijem poslovanju nije puno upoznata, zna da je društvo u gubitku i nema načina da nastavi poslovanje. Knjigovodstvena dokumentacija društva se nalazi na adresi Stavci bb, a računi društva su duže vrijeme blokirani od

2015.godine. Stečajni dužnik ne može nastaviti poslovanje jer više od pet godina ne obavlja registrovanu djelatnost, zadnji finansijski izvještaj za poslovnu godinu 2023. predat je 27.03.2024. godine u nadležnu FIA-u. Prema Bilansu stanja zaključno sa 31.12.2022. godine, gubitak kapitala je 343.903,00 KM, koji iznos je u cjelosti prema izjavi računovođe dug prema dobavljačima, ali računovođa nije moga dati dokumentaciju jer se ista nalazi kod vlasnika društva, računovođa je sačinjavao izvještaje jer je po Zakonu morao kako privredno društvo ne bi bilo kažnjeno, a dokumentacija o ranijem poslovanju privrednog društva je u posjedu vlasnika Mukić Elvedina. Privremena stečajna upraviteljica je navela da nije stupila u kontakt sa osnivačem društva, prvo joj je rečeno da se isti nalazi u Njemačkoj na radu, dobila je broj telefona iz Njemačke koji je kontaktirala, i nije se javio. Zadnju informaciju sam dobila da je u Bosni, dobila je njegov broj telefona, pokušala ga kontaktirati, nikada se nije javio, slala je poruke na što isti nije odgovorio, broj telefona je dobila od računovođe. Stalna sredstva koje posjeduje privredno društvo nije bilo moguće utvrditi, jer direktor tvrdi da istih nema a ista je njen bivši suprug prodao, te da nije vršen popis imovine. Privredno društvo „APS“ d.o.o. Zavidovovići od svog osnivanja imao je deset otvorenih računa od kojih su šest ugašeni, a četiri su blokirana. Glavni račun je otvoren kod UNICREDIT BANK d.d. račun broj 3384202214637805 - nema sredstava na računu, blokirani je od 23.06.2015. godine, račun otvoren kod ASA BANKA d.d. Sarajevo broj 1340011120364723, nema sredstava na računu i blokirani je od 19.12.2022. godine, račun otvoren kod ASA BANKA d.d. Sarajevo broj 13400111200789266- nema sredstava na računu i blokirani je od 19.12.2022. godine i račun otvoren kod Raiffasen bank d.d. Sarajevo broj 1610550010680023, koji je također blokirani. Stečajni dužnik nema niti jedanog radnika u radnom odnosu, dug po osnovu javnih prihoda iznosi 16.678,19KM, dok dug prema Upravi za indirektno-neizravno oporezivanje iznosi 147.634,44 KM. Stečajni dužnik u svom vlasništvu nema registrovanih motornih vozila, za što je pribavljena Potvrda MUP-a. rivremena stečajna upraviteljica dalje navodi da stečajni postupak nije pokrenut u roku od 60 dana od dana nastupanja platežne nesposobnosti.

Dalje navodi da osnovu svega navedenog proizilazi da su se stekli uvjeti za otvaranje stečajnog postupka, jer društvo ima neizmirene obaveze koje prema bilansu stanja zaključno sa 31.12.2022. godine iznose 343.903,00 KM, a budući da su završni računi prepisivani iz svake godine, na isto treba dodati i obaveze prema Poreznoj upravi u iznosu od 16.678,19 KM i dug prema UIO u iznosu od 147.634,44 KM.

Kako stečajni dužnik nema nikakve imovine koja bi činila stečajnu masu i iz koje bi se mogli namiriti barem djelimično troškovi stečajnog postupka, a stečajni dužnik ne može nastaviti poslovanje, postoje razlozi za otvaranje stečajnog postupka iz razloga nastupanja platežne nesposobnosti stečajnog dužnika u neprekidnom trajanju dužem od 60 dana. Svoje dospjele novčane obaveze stečajni dužnik nije izmirio od 2015. godine od kada mu je blokirani račun. Prijedlog za otvaranje stečajnog postupka je dopušten i osnovan, odnosno podnesen je od ovlaštenog lica, te su se stekli zakonski uvjeti za otvaranje stečajnog postupka nad stečajnim dužnikom u skladu sa odredbama člana 6. Zakona o stečaju, pa kako stečajni dužnik ima obaveze, a nema dovoljno imovine, pa ni za troškove stečajnog postupka privremena stečajna upraviteljica predlaže da sud pozove povjerioce i zainteresirana lica da u roku od 30 dana predlože otvaranje stečajnog postupka i predjme iznos od 5.000,00 KM na ime troškova stečajnog postupka, te da ukoliko u ostavljenom roku ne predlože i ne uplate predjma sud donese rješenje o otvaranju i zaključenju stečaja nad navedenim stečajnim dužnikom

Prisutna zastupnica po osnovu zakona predlagatelja je izjavila je da nema primjedbi ni pitanja na Izvještaj privremenog stečajnog upravitelja, te da je suglasna sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21)

pozvao povjerioci i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložila privremena stečajna upraviteljica.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina